

DEN AMBIENTE

JEFFREY KELLY REY DI DANDE Y HELEN ARENDS REINA DI DANDE 1996..



** Diasabra anochi a tuma lugar den Centro Caiquetio e festival di Dande, Tipico y propio composicion. Un publico grandi a presencia e festival tradicional di fin di aña, na unda mester bisa cu e biaha aki e festival aki a resulta den un exito rotundo. Tambe mester remarca cu e festival a termina hopi mas tempran cu den e añanan anterior. Pero tog e tabata falta e sabor final acostumbra, ya cu na momento cu a anunciar e dos ganadornan, nan no a presenta nan Dande triunfador pa asina e anochi aki por a sera den un broche di oro. E joven cantante Jeffrey Kelly kende ta studiando na Hulanda y ta na Aruba pa celebra e ambiente di fin di aña hunto cu su famia, a resulta como Rey di Dande 1996. Den e categoria Tipico a resulta ganador Tipico Perla, mientras den e categoria Propio Composicion e legendario cantante crioyo Vicente Kelly tabata inbatible cu su "Cayman den Rooi". Sr. Joy Kock den nomber di Ministro di Cultura Lili Beke Martinez a haci entrega di e trofeonan. Alaves a ricibi merito pa nan aporte. Sr. Concepcion Ras, Pascual Kelly, Vicente Kelly, Placentero-Ritmo y Cuerde, e agrupacion cu mas grabacion den '96, Tipico Los Amigos, e agrupacion di aña 1996 y Don Ramon Krozendijk, e homber di Folklor y Cultura, Didi Wernet, kende a ricibi su plaquette di merito y contribucion na nos Folklor y Cultura.

